

## Liachterloh

Wissts es no, wos war des für a scheena Abend  
A jeda is kemma, ganz eng war ma beinand  
Mia ham glacht und danzt, d Luft hod vibriert  
d Soin ham brennt und ois hod gliad

Es hod uns packt, es hod se wos griard  
Mia ham ois vergessen, hom s Lebm in uns gspüard  
Spät is worn und staad, rauschig samma hoam  
S Gfui hod weida brennt, ganz diaf und worm

Und de Gluad, sie is no do  
Wenn da Wind se draht  
Gebm ma wieder Gas  
Schiar ma s Feier o  
Und dann brenn ma mia – liachterloh

Af oan Schlog wars anders, s Feier wird kloa  
D Schattn wern länga, d Flamm danzt alloa  
Ihr heads und sehgds uns, doch da Funkn bleibt starr  
Nur d Aschn fliagt no, schneibt koid aufd Gitarr

S Bluad kocht in uns, da Funkn suacht und findt,  
Vui z lang war so drugga, es sprüht und es zündt  
Mia san hoäß auf eich, mia san oiwei no do  
Es brodelt und es lodert, mia fachn eich o

Und de Gluad, sie is no do  
Wenn da Wind se draht  
Gebm ma wieder Gas  
Schiar ma s Feier o  
Und dann brenn ma mia – liachterloh

Mia san no do  
Mia san bereit  
Mia san no do  
Mia san soweit  
Mia san no do  
Mia san parat  
Mia san no do  
Mia san am Start

Mia san no do  
Mia san bereit  
Mia san no do  
Mia san soweit  
Mia san no do  
Gfrein uns auf eich

Und de Gluad, sie is no do  
Wenn da Wind se draht  
Gebm ma wieder Gas  
Schiar ma s Feier o  
Und dann brenn ma mia – liachterloh